

Plácido Álvarez Dobaño e Miguel Caride Domínguez, na súa condición de voceiros do Grupo Popular e do grupo Democracia Ourense na Deputación Provincial de Ourense, con base ao previsto nos artigos 91 e 97 do ROF, e de acordo á Lei de Base Reguladora do Réxime Local e o Regulamento da Corporación, presentan a seguinte **MOCIÓN CONXUNTA, RELATIVA AO FINANCIAMENTO AUTONÓMICO E LOCAL**, para o seu debate no pleno da corporación, tendo en conta a seguinte

EXPOSICIÓN DE MOTIVOS:

A situación de bloqueo político que vive España, sen goberno e cuns Orzamentos Xerais do Estado prorrogados, causou un enorme prexuízo económico ás comunidades autónomas e entidades locais, cuxas consecuencias terminan por trasladarse aos cidadáns ao ver afectadas as prestacións que reciben.

O Goberno en funcións, que tan só foi capaz de dirixir España durante oito meses e medio, que viu rexeitados os seus orzamentos e que está demostrado a súa declarada incapacidade para alcanzar un pacto de goberno, decidiu incumprir coas súas obrigacións para transferir ás comunidades autónomas a actualización dos recursos derivados da participación dos ingresos do Estado, así como do resto de recursos financeiros que lles corresponden ás entidades locais.

Un bloqueo inaceptable de elevados importes que está a provocar enormes tensións financeiras nas administracións autonómicas e locais, xustificadas unicamente nas limitacións dun goberno en funcións que, con todo, non tivo reparos á hora de aprobar reais decretos que fixeron pedazos o teito de gasto e a ordenación xurídica sobre estabilidade orzamentaria.

O libramento de recursos económicos por parte do Estado non pode ser posto en cuestión por un goberno, xa que concorren razóns de urxencia e interese xeral como son a prestación de servizos públicos e sociais, servizos que non están en funcións.

En virtude de todo o exposto, o Grupo Provincial Popular propón ao pleno os seguintes:

ACORDOS:

1º. Instar ao Goberno do Estado, no que atinxe a financiamento autonómico, a instrumentar, de maneira inmediata, un crédito non retribuído coas Comunidades Autónomas cuxa devolución se compensará coas entregas a conta que o Goberno ten pendente liberar, e a que adoite as medidas que sexan necesarias para que as Comunidades Autónomas reciban, o antes posible, os anticipos a conta que lles corresponden, tal e como obriga o artigo 11 da LOFCA.

2º. Solicitar ao Goberno que remate co bloqueo de recursos financeiros de concellos e deputacións e pide que se avalíe o impacto destes impagos, e instalo a compensar os 2.496 millóns de euros de desfase do IVE que se xeraron trala implantación do Sistema Inmediato de Información (SII), e a convocar urxentemente o Consello de Política Fiscal e Financeira para, entre outros temas, buscar unha solución definitiva que impida o bloqueo das entregas a conta das CCAA por parte do executivo.


3º. Instar ao Goberno do Estado a que dea a coñecer o impacto ocasionado nas entidades locais da provincia de Ourense e a que dea a coñecer as solucións que vai adoitar o executivo para resolver este problema de financiamento.

4º. Solicitar que o Goberno do Estado explique cales son as razóns polas cales, a data de hoxe, non ten cumprido as súas obrigas legais e de base constitucional, para transferir a actualización dos recursos derivados da Participación en Ingresos do Estado e do resto de recursos financeiros que corresponden ás Entidades Locais da provincia de Ourense; e demanda coñecer cando e de que modo vai cubrir o Goberno o esforzo orzamentario que están facendo as Entidades Locais para atender o incremento das retribucións dos empregados públicos das Entidades Locais previsto no Real Decreto Lei 24/2018, de 21 de decembro, polo que se aproban medidas urxentes en materia de retribucións no ámbito do sector público na provincia de Ourense.


5º. Instar ao Goberno a que informe a que importe ascenden os recursos pendentes de librar polo Ministerio de Facenda a cada un dos concellos da provincia de Ourense.

Ourense, 17 de setembro de 2019

Asdo



Plácido Álvarez Dobaño.



Miguel Caride Domínguez.

SR. PRESIDENTE DA DEPUTACIÓN PROVINCIAL DE OURENSE